

Հաստատված է

Տպագրված է ընդամենը 2 օրինակից

«Յու Այ Թի Ի Էքսպո» ՍՊԸ միակ մասնակից

Օրինակ 1

«Ինֆորմացիոն տեխնոլոգիաների

Գրանցված է

ձեռնարկությունների միություն»

ՀՀ իրավաբանական անձանց պետական

ռեգիստրի կենտրոնի տարածքային

բաժնի կողմից 06.06.2005թ.

իրավաբանական անձանց միության

Գրանցման համար 28611005729

Վարչության «13» ապրիլի 2013թ.

Վկայականի համար 03Ա 069185

կայացած նիստի կողմից

ՀՎՀՀ՝ 02578407

«Ինֆորմացիոն Տեխնոլոգիաների

24.03.2010թ. գրանցված կանոնադրության

Ձեռնարկությունների միություն» ԻԱՍ

Թիվ 001/3 փոփոխությունը գրանցված է

Գործադիր տնօրեն՝

իրավաբանական անձանց պետական ռեգիստրի

կենտրոնի տարածքային բաժնի կողմից

22.07.2013թ.

Կարեն Վարդանյան

S/F պետ՝

«Յու Այ Թի Ի Էքսպո» ՍՊԸ տնօրեն՝

Վահան Հովսեփյան

«ՅՈՒ ԱՅ ԹԻ Ի ԷՔՍՊՈ»

ՍԱՀՄԱՆԱՓԱԿ ՊԱՏԱՄԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ

Կ Ա Ն Ո Ն Ա Դ Ր ՈՒ Թ Յ ՈՒ Ն

(փոփոխություն)

«Յու Այ Թի Ի Էքսպո» ՍՊԸ-ի կանոնադրության 1.9 կետը խմբագրել հետևյալ բովանդակությամբ՝.

1.9 Ընկերության գտնվելու վայրը և փոստային հասցեն է՝ Հայաստան, 0033, ք. Երևան, Հակոբ Հակոբյան 3, 3-րդ հարկ, 301,302,318 սենյակ:

Սույն փոփոխությունը հանդիսանում է 06.06.2005թ-ի «Յու Այ Թի Ի Էքսպո» ՍՊԸ-ի կանոնադրության անբաժանելի մասը:

«ՅՈՒ ԱՅ ԹԻ Ի ԷՔՍՊՈ»

ԳԱՆՈՒԱՅԻՆ ԹՅՈՒՆ

(փոփոխություն)

Տպագրված է ընդամենը 5 օրինակ

օրինակ 1

ԳՐԱՆՅՎԱԾ Է՝

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՅ ՊԵՏԱԿԱՆ
ՌԵԳԻՍՏՐԻ ԿԵՆՏՐՈՆԻ ՏԱՐԱԾՔԱՅԻՆ

ԲԱԺՆԻ ԿՈՂՄԻՑ 06.06.2005թ

գրանցման թիվ 286 110 05729

վկայական 034 069185

Կենտրոնի Տ/Բ պետ

Ա.Թորոսյան

ՀԱՍՏԱՏՎԱԾ Է՝

«ԻՆՖՈՐՄԱՑԻՈՆ ՏԵԽՆՈԼՈԳԻԱՆԵՐԻ
ՉԵՌՆԱՐԿՈՒԹՅՈՒՆՆԵՐԻ ՄԻՈՒԹՅՈՒՆ»

իրավաբանական անձանց միության
մասնակիցների 20.05.2005թ կայացած
արտահերթ համագումարի նիստի կողմից

ԻԱՍ գործադիր տնօրեն՝

Կ.Վարդանյան

«ՅՈՒ ԱՅ ԹԻ Ի ԷՔՍՊՈ»
ՍՊԸ տնօրեն՝

Ա.Վարդանյան

«ՅՈՒ ԱՅ ԹԻ Ի ԷՔՍՊՈ»

ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ

Կ Ա Ն Ո Ն Ա Դ Դ Ր ՈՒ Թ Յ ՈՒ Ն

1. ԸՆԴՀԱՆՈՒՐ ԴՐՈՒՅԹՆԵՐ

1.1. «Յու Այ Թի Էքսպո» սահմանափակ պատասխանատվությամբ ընկերությունը (հետագայում՝ Ընկերություն) համարվում է շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ, որի կանոնադրական կապիտալը կազմում է սույն կանոնադրությամբ սահմանված չափով բաժնեմասի: Ընկերության մասնակիցը պատասխանատու չէ՝ ընկերության պարտավորությունների համար և իր ներդրած ավանդի արժեքի սահմաններում կրում են Ընկերության գործունեության հետ կապված վնասների ռիսկը:

1.2. Ընկերության իրավունակությունը ծագում է նրա ստեղծման (պետական գրանցման) և դադարում է լուծարման ավարտի (լուծարման մասին պետական գրանցամատյանում գրառման) պահից:

1.3. Ընկերությունն ունի իր ֆիրմային անվանմամբ կտր կնիք (հայերեն, ռուսերեն և անգլերեն գրառումներով), դրոշմներ և բլանկներ, ինչպես նաև օրենքով սահմանված կարգով գրանցված խորհրդանիշ, ապրանքային, առևտրային և այլ նշաններ ու ֆիրմային այլ վավերապայմաններ:

1.4. Ընկերությունն իր գործունեության ընթացքում ղեկավարվում է Հայաստանի Հանրապետության Սահմանադրությամբ, Հայաստանի Հանրապետության Քաղաքացիական Օրենսգրքով (այսուհետ՝ Օրենսգրք), «Սահմանափակ պատասխանատվությամբ ընկերությունների մասին» Հայաստանի Հանրապետության օրենքով (այսուհետ՝ Օրենք), Հայաստանի Հանրապետության իրավական այլ ակտերով և սույն կանոնադրությամբ (այսուհետ՝ Կանոնադրություն):

1.5. Ընկերության մասնակցի և Ընկերության միջև հարաբերությունները կարգավորում են Հայաստանի Հանրապետության Սահմանադրությամբ, Օրենսգրքով, Օրենքով և Կանոնադրությամբ:

1.6. Ընկերությունն իր պարտավորությունների համար պատասխանատու է իրեն պատկանող ամբողջ գույքով: Ընկերությունը պատասխանատու չէ իր մասնակցի պարտավորությունների համար:

1.7. Հայաստանի Հանրապետությունը և համայնքները պատասխանատվություն չեն կրում Ընկերության պարտավորությունների համար: Ընկերությունը պատասխանատվություն չի կրում Հայաստանի Հանրապետության և համայնքների պարտավորությունների համար:

1.8. Ընկերության ֆիրմային անվանումն է՝

հայերեն լրիվ՝ «Յու Այ Թի Էքսպո» սահմանափակ պատասխանատվությամբ ընկերություն

կրճատ՝ «Յու Այ Թի Էքսպո» ՍՊԸ

ռուսերեն լրիվ՝ Общество с Ограниченной Ответственностью „Ю Ау Ту И Экспо“

կրճատ՝ ООО „Ю Ау Ту И Экспо“

անգլերեն լրիվ՝ „UITExpo“ Limited Liability Company

կրճատ՝ „UITExpo“ LLC

1.9. Ընկերության գտնվելու վայրը և փոստային հասցեն է՝ Հայաստանի Հանրապետություն, Երևան, Փ. Բյուզանդի 1/3 4 հարկ :

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿԸ

2.1. Ընկերության ստեղծման նպատակն է տնտեսական գործունեություն իրականացնելու ճանապարհով շահույթի ստացումը, որը կժառայի միակ մասնակցի կանոնադրական նպատակների իրականացմանը:

2.2. Ընկերությունը կարող է իրականացնել օրենքով չարգելված ցանկացած տնտեսական գործունեություն:

Օրենքով սահմանված գործունեության առանձին տեսակներով Ընկերությունը կարող է զբաղվել միայն լիցենզիայի (հատուկ թույլտվության) առկայության դեպքում՝ լիցենզիա ստանալու պահից կամ նրանում նշված ժամկետում: Նրե լիցենզիայի հասկացման պայմաններում նախատեսված է, որ Ընկերությունը բացի լիցենզավորվող գործունեությունից այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա Ընկերությունը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այնպիսի գործունեությամբ, որի մասին նշված է լիցենզիայի մեջ:

3. ԸՆԿԵՐՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1. Պետական գրանցման պահից Ընկերությունը ձեռք է բերում իրավաբանական անձի կարգավիճակ:

Ընկերությունը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

Ընկերությունն ունի ինքնուրույն հաշվեկշիռ, Հայաստանի Հանրապետությունում և օտարերկրյա պետություններում գտնվող բանկերում բանկային հաշիվներ (դրամով, տարադրամով):

3.2. Ընկերությունը կարող է լինել այլ ընկերության (այդ թվում՝ դուստր և կախյալ) հիմնադիր (մասնակից), բացառությամբ Օրենսգրքով և այլ օրենքներով նախատեսված դեպքերի:

3.3. Ընկերությունն իրավունք ունի ստեղծել առանձնացված ստորաբաժանումներ (մասնաձյուղեր և ներկայացուցչություններ), ինչպես Հայաստանի Հանրապետությունում, այնպես էլ օտարերկրյա պետություններում:

Կառավարչական, սոցիալ-մշակութային, կրթական կամ ոչ առևտրային բնույթի այլ գործունեություն իրականացնելու համար Ընկերությունը կարող է ստեղծել հիմնարկ:

Ընկերության առանձնացված ստորաբաժանումները և հիմնարկներն իրավաբանական անձինք չեն և գործում են Ընկերության հաստատած կանոնադրությունների հիման վրա, իսկ նրանց ղեկավարները գործում են Ընկերության լիազորագրի հիման վրա:

3.4. Ընկերությունն իրավունք ունի.

✓ Հայաստանի Հանրապետության օրենսդրությամբ չարգելված ցանկացած ձևով ձեռք բերել գույք՝ այդ թվում արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքը,

✓ ինքնուրույն կազմավորել իր ֆինանսական ռեսուրսները, այդ թվում փոխառու միջոցների ներգրավմամբ, Հայաստանի Հանրապետությունում և օտարերկրյա պետություններում ստանալ բանկային և առևտրային վարկեր, այդ թվում՝ արտարժույթով, օրենսդրությամբ սահմանված կարգով իր անունից բողարկել և տեղաբաշխել արժեթղթեր,

✓ օտարել, վարձակալության տալ, փոխանակել, օրենսդրությամբ չարգելված այլ ձևերով փոխանցել գույքային իրավունքներ, լինել գրավառու և գրավատու,

✓ Օրենսդրությամբ սահմանված կարգով արտահանել և ներմուծել գույք, արտադրված, գնված և այլ օրինական ձևով ստացված արտադրանք, ծառայություններ մատուցել և աշխատանքներ կատարել օտարերկրյա իրավաբանական անձանց և (կամ) կազմակերպությունների, քաղաքացիների համար, օգտվել նրանց կատարած աշխատանքներից և մատուցած ծառայություններից, այլ պետություններում նրանց օրենսդրությանը համապատասխան իրականացնել ներդրումներ, ստեղծել իրավաբանական անձինք և (կամ) անդամակցել իրավաբանական անձանց և (կամ) օգտվել օրենսդրությամբ և Կանոնադրությամբ սահմանված այլ իրավունքներից:

3.5. Ընկերությունը պարտավոր է.

✓ Օրենսդրությամբ կամ այլ իրավական ակտերով սահմանված կարգով իրականացնել հաշվապահական հաշվառում և ներկայացնել վիճակագրական հաշվետվություն,

✓ աշխատանքային պայմանագրեր կնքել Ընկերության աշխատակիցների հետ,

✓ պատասխանատվություն կրել և փոխհատուցել իր կողմից հասցրած վնասը՝ կնքած պայմանագրերը չկատարելու կամ անպատշաճ կատարելու, այլ անձանց սեփականության իրավունքը խախտելու համար,

✓ Օրենսդրությամբ սահմանված կարգով հայտարարել Ընկերության սնանկացման մասին այն դեպքում, երբ հնարավոր չէ բավարարել պարտատերերի պահանջները,

✓ ապահովել Ընկերության փաստաթղթերի (Ընկերության կանոնադրության, գույքի նկատմամբ գույքային իրավունքները հաստատող փաստաթղթերի, Ընկերության ներքին փաստաթղթերի, առանձնացված ստորաբաժանումների ու հիմնարկների տարեկան հաշվետվությունների, հաշվապահական հաշվառման փաստաթղթերի, կառավարման մարմինների նիստերի արձանագրությունների, Հայաստանի Հանրապետության օրենքներով և այլ իրավական ակտերով նախատեսված այլ փաստաթղթերի) պահպանումը,

✓ կրել Օրենսդրությամբ և Կանոնադրությամբ սահմանված այլ պարտավորություններ:

4. ԸՆԿԵՐՈՒԹՅԱՆ ՄԱՍՆԱԿԻՑԸ, ՆՐԱ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

4.1. Ընկերության մասնակից է համարվում այն անձը, որը գրանցված է պետական գրանցումն իրականացնող մարմնի կողմից՝ Ընկերության մասնակիցների գրանցամատյանում: Մասնակցը կարող է փոփոխվել Ընկերության կանոնադրությամբ սահմանված կարգով՝ մասնակցի ընդունման, ազատման, հեռացման, ամբողջ բաժնեմասի օտարման միջոցով, ինչպես նաև մասնակցի ամբողջ բաժնեմասի վրա քննազանձում տարածելու դեպքում:

4.2. Ընկերության մասնակիցն իրավունք ունի՝

✓ Օրենքով կամ Կանոնադրությամբ սահմանված կարգով մասնակցել Ընկերության կառավարմանը,

✓ տեղեկատվություն ստանալ Ընկերության գործունեության մասին, ծանոթանալ հաշվապահական հաշվառման, հաշվետվության, Ընկերության արտադրատնտեսական գործունեության այլ վիստարդերի հետ,

✓ ստանալ ընկերության գործունեությունից ստացվող շահույթի (դիվիդենտի) մասը,

✓ հանդես գալ առաջարկություններով Ընկերության մասնակիցների ընդհանուր ժողովում,

✓ Ընկերության մասնակցի ընդհանուր ժողովում քվեարկել իրեն պատկանող լրիվ վճարված բաժնեմասի ձայնի չափով,

✓ Ընկերության լուծարվելու դեպքում ստանալ շահույթի իր մասը,

✓ Ընկերության լուծարվելու դեպքում ստանալ պարտատերերի հետ կատարված հաշվարկներից հետո մնացած գույքի մասը կամ դրա արժեքը,

✓ ցանկացած ժամանակ դուրս գալ ընկերությունից (անկախ մյուս մասնակիցների համաձայնությունից),

✓ հայցով դիմել դատարան՝ Ընկերության մասնակիցների ընդհանուր ժողովի կողմից ընդունված և գործող օրենքներին և այլ իրավական ակտերին հակասող որոշումների բողոքարկման նպատակով,

✓ Ընկերության միջոցների հաշվին Ընկերության կանոնադրական կապիտալի ավելացման դեպքում անվճար ստանալ համապատասխան քանակությամբ բաժնեմասեր,

✓ օգտվել Հայաստանի Հանրապետության Սահմանադրությամբ, Օրենսգրքով, Օրենքով և Կանոնադրությամբ սահմանված այլ իրավունքներից:

4.3. Ընկերության մասնակիցները պարտավոր են՝

✓ Կանոնադրությամբ կամ Ընկերության մասնակիցների ընդհանուր ժողովի որոշմամբ սահմանված կարգի համաձայն կատարել ներդրումներ,

✓ չիրապարակել գաղտնի տեղեկություններ Ընկերության գործունեության վերաբերյալ,

✓ կատարել ընկերության նկատմամբ ստանձնած պարտավորությունները,

✓ պահպանել Կանոնադրության դրույթները:

4.4. գումարային առումով Ընկերության առնվազն 10 տոկոս բաժնեմասը տնօրինող Ընկերության մասնակիցը (մասնակիցները), իրավունք ունի (ունեն) դատական կարգով պահանջել Ընկերության այլ մասնակցի հեռացումն Ընկերությունից, եթե նա իր գործողություններով կամ անգործությամբ դժվարացնում է կամ անհնարին է դարձնում Ընկերության բնականոն գործունեությունը:

Ընկերությունից հեռացված մասնակցի բաժնեմասն անցնում է Ընկերության տրամադրության տակ: Ընկերությունը պարտավոր է հեռացված մասնակցին վճարել բաժնեմասի արժեքը Օրենքով և Կանոնադրության 4.5. կետով սահմանված կարգով:

4.5. Ընկերությունից դուրս եկող մասնակցի բաժնեմասը դուրս գալու դիմումը ներկայացնելու պահից փոխանցվում է Ընկերությանը:

Ընկերության մասնակցի Ընկերությունից դուրս գալու հետ կապված հաշվարկները կատարվում են հետևյալ կարգով.

✓ վճարվում է կանոնադրական կապիտալում նրա բաժնեմասի (կանոնադրական կապիտալում նրա ավանդի ոչ լրիվ վճարման դեպքում՝ վճարման մասին համապատասխան բաժնեմասի) արժեքը,

✓ բաժնեմասի արժեքը որոշվում է դուրս գալու մասին դիմումը ներկայացնելու պահին Ընկերության վերջին հաշվետու ժամանակաշրջանի հաշվապահական հաշվետվությունների հիման վրա,

✓ մասնակցին նրա համաձայնությամբ կարող է տրվել նրա բաժնեմասի արժեքին համապատասխան գույք՝ Ընկերության մասնակիցների ընդհանուր ժողովի որոշմամբ,

✓ եթե որպես ավանդ ներդրվել է գույքի օգտագործման իրավունք, ապա Ընկերությունը պահպանում է այդ իրավունքը մինչև օգտագործման իրավունքի ժամկետի ավարտը,

✓ մասնակիցը պարտավոր չէ վերադարձնել իր կողմից բարեխղճորեն ստացած շահույթը:

Ընկերությունը պարտավոր է մասնակցին վճարել բաժնեմասի արժեքը ընկերությունից դուրս գալու մասին դիմումը ներկայացնելու պահից 6 ամսվա ընթացքում:

5. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼՈՒՄ ԲԱԺՆԵՄԱՍԸ ՓՈԽԱՆՑԵԼԸ

5.1. Ընկերության մասնակիցներն իրավունք ունեն իրենց սեփականություն հանդիսացող բաժնեմասերը (դրանց մասը) օտարել կամ օրենքով չարգելված այլ ձևով Օրենքով սահմանված կարգով փոխանցել այլ անձանց:

Օրենքով նախատեսված բաժնեմասը գնելու նախապատվություն իրավունքի գիշում չի թույլատրվում:

5.2. Երբորդ անձանց օտարման անհնարինության դեպքում Ընկերությունն ինքը պարտավոր է ձեռք բերել մասնակցի բաժնեմասը, այն իրացնել մեկ տարվա ընթացքում այլ մասնակիցների կամ երրորդ անձանց կամ որոշում ընդունել բաժնեմասի չբաշխված մասի մարման ճանապարհով Ընկերության կանոնադրական կապիտալի նվազեցման մասին:

5.4. Ընկերության կանոնադրական կապիտալի բաժնեմասերը անցնում են Ընկերության մասնակից և իրավաբանական անձանց իրավահաջորդներին: Ընդ որում բաժնեմասն անցնելու համար համաձայնություն չտալու, ինչպես նաև բաժնեմասից իրավահաջորդի հրաժարվելու դեպքում դրա արժեքի վճարումը կատարվում է սույն կանոնադրության 4.5 կետում սահմանված կարգով:

6. ԸՆԿԵՐՈՒԹՅԱՆ ԳՈՒՅՔԸ, ԿԱՊԻՏԱԼՆԵՐՆ ՈՒ ՇԱՀՈՒՅԹԸ

6.1. Ընկերությունը հանդիսանում է սեփականատեր՝

- ✓ Ընկերության հիմնադրի (մասնակցի) ավանդների և դրանց հաշվին ստեղծված գույքի,
- ✓ Ընկերության տնտեսական գործունեության հետևանքով արտադրած արտադրանքի և ձեռք բերած գույքի,
- ✓ ստացված եկամուտների,
- ✓ գործող օրենսդրությամբ չարգելված հիմքներով ձեռք բերված գույքի:

6.2. Ընկերության մասնակցի ներդրումը կարող է լինել դրամ, արժեթղթեր, այլ գույք կամ գույքային իրավունքներ, ինչպես նաև դրամական գնահատում ունեցող այլ իրավունքներ:

Ընկերության հիմնադիրների (մասնակիցների) կամ ընկերության մեջ ընդգրկվող երրորդ անձանց կողմից ներդրվող ոչ դրամային ավանդների դրամական գնահատականը հաստատվում է ընդհանուր ժողովի կողմից՝ միաձայն կարգով: Եթե Ընկերության մասնակցի ոչ դրամային ավանդով վճարվող բաժնեմասի անվանական արժեքը (անվանական արժեքի մեծացումը) ավելի է Ընկերության պետական գրանցման համար փաստաթղթեր ներկայացնելու պահին սահմանված նվազագույն աշխատավարձի 500-ապատիկից, ապա նման ավանդը պետք է գնահատվի անկախ գնահատողի (աուդիտորի) կողմից:

Կանոնադրական կապիտալում մասնակցի բաժնեմասը գնահատվում է Հայաստանի Հանրապետության դրամով:

6.2. Ընկերությունում ստեղծվում է պահուստային կապիտալ կանոնադրական կապիտալի 15 %-ի չափով: Այս կապիտալի ձևավորումը իրականացվում է շահույթից կատարվող տարեկան մասհանումների միջոցով մինչև նախատեսված չափերին հասնելը: Պահուստային կապիտալ կատարվող մասհանումների չափը սահմանվում է մաքուր շահույթի (շահույթ բոլոր հարկերը և պարտադիր այլ վճարումները կատարելուց հետո) առնվազն 5%-ի չափով: Պահուստային կապիտալի միջոցների ծախսման կարգը որոշվում է Ընկերության մասնակիցների ընդհանուր ժողովի կողմից:

6.3. Սահմանված կարգով առաջացող մաքուր շահույթի բաշխումը Ընկերության մասնակիցների միջև իրականացվում է կանոնադրական կապիտալում մասնակցի ունեցած բաժնեմասերին համապատասխան՝ Օրենքով սահմանված կարգով:

7. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ, ՆՐԱ ՓՈՓՈԽՈՒՄԸ

7.1. Ընկերության կանոնադրական կապիտալը կազմում է 50000 (հիսուն հազար) Հայաստանի Հանրապետության դրամ, որը կազմված է 1 (մեկ) բաժնեմասից, մեկ բաժնեմասի անվանական արժեքը կազմում է 50000 (հիսուն հազար) Հայաստանի Հանրապետության դրամ:

Կանոնադրական կապիտալը սահմանում է պարտադիր շահերը երաշխավորող Ընկերության գույքի նվազագույն չափը: Ընկերության բոլոր հարյուր բաժնեմասերը տեղաբաշխված են, լրիվ վճարված և պատկանում են Ընկերության մասնակցի, որի ցանկը և ունեցած բաժնեմասերի քանակը (բաժնեմասը) բերված է սույն կանոնադրության բաղկացուցիչ մաս հանդիսացող հավելվածում:

7.2. Ընկերության մասնակիցը կարող են իրենց բաժնեմասերը օտարել սույն կանոնադրության 5.1, 5.2 և 5.3 կետերով սահմանված կարգով:

7.3. Ընկերությունը կարող է փոփոխել կանոնադրական կապիտալի մեծությունը: Այդ մասին որոշումն ուժի մեջ է մտնում պետական ռեգիստրում համապատասխան փոփոխությունների պետական գրանցման պահից:

Ընկերության կանոնադրական կապիտալի ավելացումը հնարավոր է միայն դրա ամբողջությամբ վճարումից հետո:

Ընկերության կանոնադրական կապիտալի ավելացումը կարող է կատարվել՝

- ✓ Ընկերության գույքի հաշվին,
- ✓ Ընկերության մասնակցի լրացուցիչ ավանդների հաշվին,
- ✓ երրորդ անձանց ներդրումների հաշվին:

Ընկերության մասնակցի կողմից լրացուցիչ ավանդների ներդրման միջոցով կանոնադրական կապիտալի ավելացման մասին որոշումն ընդունում է Ընկերության մասնակցի ընդհանուր ժողովը՝ Ընկերության մասնակցի ձայնի լրիվ մասով: Այդ որոշմամբ պետք է սահմանվի լրացուցիչ ավանդների

ընդհանուր արժեքը, ինչպես նաև սահմանվի լրացուցիչ ավանդի արժեքի և այն գումարի՝ մասնակցի համար միասնական հարաբերակցությունը, որով ավելացվում է նրա բաժնեմասի անվանական արժեքը:

Լրացուցիչ ավանդները ներդրվում են այդ մասին որոշում ընդունելուց հետո մեկ տարվա ընթացքում:

Ընկերության մասնակցի կողմից լրացուցիչ ավանդների ներդրման միջոցով կանոնադրական կապիտալի ավելացման կարգն ու պայմանները սահմանվում են Օրենքով:

Ընկերության մասնակցի կամ երրորդ անձի դիմումի հիման վրա Ընկերության կանոնադրական կապիտալի ավելացման կարգն ու պայմանները սահմանվում են Օրենքով:

Ընկերությունն իրավունք ունի, իսկ Օրենքով սահմանված դեպքերում՝ պարտավոր է նվազեցնել իր կանոնադրական կապիտալը:

Ընկերության կանոնադրական կապիտալի նվազեցումը կայող է իրականացվել Ընկերության մասնակիցների բաժնեմասերի անվանական արժեքների նվազեցման և (կամ) Ընկերությանը պատկանող բաժնեմասերի մարմամբ:

Եթե երկրորդ կամ յուրաքանչյուր հաջորդ ֆինանսական տարվա ավարտից հետո Ընկերության գույտ ակտիվների արժեքը պակաս է կանոնադրական կապիտալից, ապա Ընկերությունը պարտավոր է հայտարարել իր կանոնադրական կապիտալի նվազման մասին և սահմանված կարգով գրանցել դրա նվազեցումը:

Ընկերության կանոնադրական կապիտալի նվազեցման կարգն ու պայմանները սահմանվում են Օրենքով:

Ընկերության կանոնադրական կապիտալի նվազեցում բույլատրվում է նրա բոլոր պարտատերերին առաջացած պահանջների բավարարման դեպքում:

Ընկերության կանոնադրական կապիտալում Ընկերության մասնակցի բաժնեմասի վրա բռնագանձում տարածելը կամ բռնագրավումը կատարվում է Օրենսգրքով և Օրենքով սահմանված դեպքերում և կարգով:

8. ԸՆԿԵՐՈՒԹՅԱՆ ԿԱՌԱՎԱՐՈՒՄԸ

8.1. Ընկերության մարմիններն են Ընկերության մասնակիցների ընդհանուր ժողովը և Ընկերության գործադիր մարմինը՝ տնօրենը:

8.2. Ընկերության կառավարման բարձրագույն մարմինը ընկերության մասնակիցների ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք:

Ընկերության մասնակիցների ընդհանուր ժողովներում քվեարկությունների ժամանակ Ընկերության մասնակիցներն ունեն Ընկերության կանոնադրական կապիտալում իրենց բաժնեմասերին համապատասխան ձայների քանակ:

8.3. Ընկերության մասնակիցների հերթական ընդհանուր ժողովը հրավիրվում է Ընկերության տնօրենի կողմից տարեկան մեկ անգամ ֆինանսական տարվա ավարտից ոչ շուտ, քան երկու ամիս և ոչ ուշ, քան չորս ամիս անց: Ընկերությունը պարտավոր է ամեն տարի գումարել մասնակիցների հերթական ընդհանուր ժողով՝ Ընկերության գործունեության տարեկան արդյունքները հաստատելու համար:

Ընկերության մասնակիցների արտահերթ ընդհանուր ժողովը հրավիրվում է Ընկերության տնօրենի կողմից Օրենքով և Ընկերության կանոնադրությամբ սահմանված դեպքերում, ինչպես նաև բոլոր այն դեպքերում, երբ դա են պահանջում Ընկերության և նրա մասնակիցների շահերը:

8.4. Ընկերության մասնակցի ընդհանուր ժողովի բացառիկ իրավասությանն են պատկանում.

1. Ընկերության կանոնադրության մեջ փոփոխությունների և լրացումների կատարումը, Ընկերության կանոնադրության հաստատումը նոր խմբագրությամբ,
2. Ընկերության կողմից բաժնեմասի (բաժնեմասերի) ձեռքբերումը և դրանց իրացումը Օրենքով սահմանված դեպքում,
3. Ընկերության վերակազմակերպումը,
4. Ընկերության լուծարումը,
5. Ընկերության լուծարման հանձնաժողովի նշանակումը և լուծարման հաշվեկշիռների լուծարման ամփոփիչ, լուծարման միջանկյալ և լուծարման հաշվեկշիռների հաստատումը,
6. Ընկերության կանոնադրական կապիտալի չափի ավելացումը,
7. Ընկերության կանոնադրական կապիտալի չափի նվազեցումը,
8. կազմակերպությունների (այդ թվում՝ դուստր և կախյալ ընկերությունների) հիմնադրումը,
9. կազմակերպություններում (այդ թվում՝ դուստր և կախյալ ընկերությունների) մասնակցության մասին որոշումների ընդունումը.

10. Ընկերության տնօրենի նշանակումը, նրա լիազորությունների վաղաժամկետ դադարեցումը, ինչպես նաև ընկերության գործադիր մարմնի լիազորություններն կառավարչին (առևտրային կազմակերպություն կամ անհատ ձեռնարկատեր) տալու հարցերը,
 11. Ընկերության վերստուգիչ հանձնաժողովի անդամների (վերստուգողի) ընտրությունը և նրանց (նրա) լիազորությունների վաղաժամկետ դադարեցումը,
 12. Ընկերության աուդիտն իրականացնող անձի հաստատումը,
 13. աուդիտի իրականացման որոշումն ընդունելը
 14. Ընկերության տարեկան հաշվետվությունների, տարեկան հաշվապահական հաշվեկշռի հաստատումը,
 15. Ընկերության շահույթն ու վնասները ընկերության մասնակիցների միջև բաշխման մասին որոշման ընդունումը,
 16. Ընկերության մասնաճյուղերի, ներկայացուցչությունների և հիմնարկների աշխատանքի տարեկան արդյունքների հաստատումը,
 17. Ընկերության գործունեության հիմնական ուղղությունների որոշումը,
 18. Ընկերության կողմից արժեթղթերի թողարկման մասին որոշումն ընդունելը,
 19. Ընկերության գույքի օտարման և ձեռքբերման հետ կապված խոշոր գործարքներ (օրոնց արժեքը գերազանցում է գուտ ակտիվների մեծության 1/4-ը) կատարելու մասին որոշման ընդունումը,
 20. Ընկերության առանձնացված ստորաբաժանումների և հիմնարկների ստեղծումը, գործունեության դադարեցումը, դրանց կանոնադրությունների հաստատումը,
 21. Ընկերության ներքին գործունեությունը կարգավորող փաստաթղթերի (Ընկերության ներքին փաստաթղթեր) ընդունումը,
 22. ղեկավար պաշտոնատար անձանց աշխատանքի վարձատրման պայմանների որոշումը:
- Ընկերության մասնակիցների ընդհանուր ժողովն իրավունք ունի քննարկել և որոշումներ ընդունել նաև Օրենքով և սույն կանոնադրությամբ ընդհանուր ժողովի իրավասությանը պատկանող ցանկացած հարցի շուրջ:
- 8.5. Սույն կանոնադրության 8.4 կետի բոլոր ենթակետերով (բացի 12, 16 և 21 ենթակետերից) սահմանված հարցերը հանդիսանում են Ընկերության մասնակիցների ընդհանուր ժողովի բացառիկ իրավասության հարցեր և չեն կարող փոխանվել ընկերության գործադիր մարմնին:
- 8.6. Ընկերության մասնակիցների ընդհանուր ժողովն իրավագոր է (քվորում ունի), եթե դրան մասնակցում են Ընկերության մասնակիցների ձայների ընդհանուր թվի կեսից ավելին տնօրինող մասնակիցները: Սույն կանոնադրությամբ նախատեսված դեպքերում (երբ քննարկվող հարցը պահանջում է բոլոր մասնակիցների միաձայնությունը) ժողովը իրավասու է բոլոր մասնակիցների (նրանց ներկայացուցիչների) ներկայության դեպքում:
- 8.7. Սույն կանոնադրության 8.4. կետի 1, 6, 7 ենթակետերում նշված հարցերի վերաբերյալ որոշումներն ընդունվում են ժողովին մասնակցողների ձայների երեք քառորդով, սակայն ոչ պակաս Ընկերության բոլոր մասնակիցների ձայների երկու երրորդից, 8.4 կետի 10 և 19 ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների երեք քառորդով, 11, 14 և 15 ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների երկու երրորդով, սակայն ոչ պակաս Ընկերության բոլոր մասնակիցների ձայների կեսից, 3 և 4 ենթակետերով սահմանված հարցերի շուրջ որոշումներն ընդունվում են Ընկերության մասնակիցների միաձայն որոշմամբ, իսկ մնացած հարցերի շուրջ՝ Ընկերության բոլոր մասնակիցների ձայների պարզ մեծամասնությամբ:
- 8.8. Ընկերության մասնակցների ընդհանուր ժողովի իրավասությանը վերաբերվող հարցերի լուծումը կատարվում է ժողովի նիստում՝ օրակարգի հարցերի քննարկման, քվեարկության դրված հարցերի վերաբերյալ որոշումների ընդունման մպատակով մասնակիցների համատեղ ներկա գտնվելով, կամ հեռակա կարգով քվեարկության (հարցման) միջոցով: Այդ դեպքում որոշման մոխսագիծը ուղարկվում է մասնակիցներին, որոնք պետք է գրավոր հայտնեն իրենց կարծիքը: Նման քվեարկություն կարող է անցկացվել փաստաթղթերը փոստային, հեռագրային, հեռախոսային, էլեկտրոնային կամ փոխանցվող և ընդունվող հաղորդակցությունների իսկությունը և դրանց փաստաթղթային հաստատումն ապահովող կապի այլ միջոցներով փոխանակելու միջոցով:
- 8.9. Ընկերության մասնակիցների ընդհանուր ժողովների որոշումներն ընդունվում են բաց քվեարկությամբ:
- 8.10. Մեկ մասնակից ունեցող ընկերությունում Ընկերության մասնակիցների ընդհանուր ժողովի իրավասության հարցերի կապակցությամբ որոշումները կարող են ընդունվել մասնակցի կողմից միանձնյա և ձևակերպվում են գրավոր:
- 8.11. Ընդհանուր ժողովին մասնակցելու իրավունք ունեն (առանց ձայնի իրավունքի) տնօրենը, վերստուգիչ հանձնաժողովի անդամները կամ վերստուգողը, աուդիտն իրականացնող անձը:

8.12. Ընկերության յուրաքանչյուր մասնակից իրավունք ունի պահանջելու հարցերի քննարկում Ընկերության մասնակիցների ընդհանուր ժողովում, այն պայմանով, որ այն ներկայացված լինի նիստը սկսվելուց առնվազն 10 օր առաջ:

8.13. Ընկերության ընթացիկ գործունեության ղեկավարումը իրականացնում է տնօրենը, որն ընտրվում է Ընկերության մասնակիցների ընդհանուր ժողովի կողմից երեք տարի ժամկետով: Ընկերության և Ընկերության տնօրենի միջև պայմանագիրը ստորագրվում է տնօրենին ընտրած ընդհանուր ժողովի նախագահող անձի կամ ընդհանուր ժողովի կողմից լիզիտոված անձի կողմից (եթե տվյալ ընդհանուր ժողովում նախագահել է տնօրենը):

Տնօրենը լուծում է բոլոր հարցերը, բացի մասնակիցների ընդհանուր ժողովի բացառիկ իրավասությանը վերաբերվող հարցերից: Տնօրենը իրավիք ունի Ընկերության մասնակիցների հերթական ու արտահերթ ընդհանուր ժողովները, կազմակերպում Ընկերության մասնակիցների ընդհանուր ժողովների որոշումների կատարումը, հաշվետու է ընդհանուր ժողովին և իրավունք չունի մասնակիցների համար պարտադիր որոշումներ կայացնելու:

Տնօրենն իրավունք ունի առանց լիազորագրի գործարքներ կատարել Ընկերության անունից, եթե գործարքի գումարը չի գերազանցում զուտ ակտիվների մեծության 25 տոկոսից:

Ընկերության տնօրենը պետք է գործի քարեխղճորեն և ողջամիտ՝ ի շահ իր կողմից ներկայացվող Ընկերության: Նա պարտավոր է Ընկերության կամ Ընկերության մասնակիցների պահանջով հատուցել իր կողմից Ընկերությանը պատճառած վնասները: Ընկերությանը պատճառած վնասների հատուցման հայցով դատարան դիմելու իրավունք ունի Ընկերությունը կամ նրա մասնակիցը:

8.14. Ընկերության տնօրենը իր իրավասության սահմաններում

- առանց լիազորագրի գործում է Ընկերության անունից, այդ թվում՝ ներկայացնում է նրա շահերը և կնքում գործարքներ:
- տնօրինում է Ընկերության գույքը, այդ թվում՝ ֆինանսական ռեսուրսները,
- կնքում է պայմանագրեր, այդ թվում՝ աշխատանքային,
- տալիս է լիազորագրեր, այդ թվում՝ վերալիազորման իրավունքով լիազորագրեր,
- բանկային հիմնարկներում բացում է հաշվարկային և այլ հաշիվներ,
- հաստատում է հաստիքներ,
- իրականացնում է ՀՀ գործող օրենսդրությանը չհակասող, Օրենքով և Ընկերության կանոնադրությանը իրեն վերապահված կամ Ընկերության ընդհանուր ժողովի կողմից տրված այլ լիազորություններ և հանձնարարություններ:

8.15. Ընկերությունն իրավասու է իր գործադիր մարմնի իրավասությունները փոխանցել կառավարիչին (առևտրային կազմակերպություն կամ անհատ ձեռնարկատեր):

8.16. Ընկերության վերստուգիչ հանձնաժողովը (վերստուգողը) ընտրվում է ընդհանուր ժողովի կողմից 3 տարի ժամկետով: Ընկերության վերստուգիչ հանձնաժողովը բաղկացած է երեք անդամներից (նախագահ և հանձնաժողովի երկու անդամներ):

Վերստուգող հանձնաժողովը իրականացնում է Ընկերության ֆինանսատնտեսական գործունեության տարեկան արդյունքների ստուգումը, ստուգում է Ընկերության ֆինանսատնտեսական գործունեությունը սեփական նախաձեռնությամբ, ինչպես նաև Ընկերության մասնակիցների ընդհանուր ժողովի որոշմամբ, ինչպես նաև Ընկերության մասնակիցներից յուրաքանչյուրի պահանջով:

Տնօրենը չի կարող լինել վերստուգիչ հանձնաժողովի անդամ:

Վերստուգիչ հանձնաժողովը իրավունք ունի Ընկերության սլաշտոմատար անձանցից պահանջելու իրեն ներկայացնել բոլոր անհրաժեշտ նյութերը, հանձնական քաջատրությունները՝ գրավոր կամ բանավոր ձևով:

Ընկերության ֆինանսական և տնտեսական գործունեության ստուգումն իրականացվում է գործող օրենսդրությանը համապատասխան, Հայաստանի Հանրապետության ֆինանսական և այլ լիազորված մարմինների ծառայությունների կողմից իրենց իրավասության սահմաններում: Ընկերությունը պարտավոր է ֆինանսատնտեսական գործունեության ստուգում կատարել ոչ ուշ, քան տարին մեկ անգամ:

Վերստուգիչ հանձնաժողովը ստուգումների արդյունքներն ուղարկվում է Ընկերության ընդհանուր ժողով:

Վերստուգիչ հանձնաժողովը ըստ տարեկան հաշվետվության և հաշվեկշռի կազմում է եզրակացություն: Առանց այդ եզրակացության Ընկերության հաշվեկշիռը ենթակա չէ հաստատման ընդհանուր ժողովի կողմից: Վերստուգիչ հանձնաժողովը պարտավոր է պահանջել գումարելու արտահերթ նիստ, եթե գտնում է, որ Ընկերության շահերին էական սպառնալիք է առաջացել:

Ընկերության ընդհանուր ժողովի որոշմամբ վերստուգիչ հանձնաժողովի ֆունկցիաները կարող է իրականացնել վարձատրվող վերստուգողը, որը պետք է հաշվետու լինել միայն ընդհանուր ժողովին: Որպես վերստուգող կամ վերստուգիչ հանձնաժողովի անդամ կարող է լինել նաև Ընկերության մասնակից չհանդիսացող անձը: Ընկերության վերստուգիչ հանձնաժողովի անդամ կամ վերստուգող չի կարող լինել

Ընկերության տնօրենը: Վերստուգողը կարող է միաժամանակ սպասարկել մեկից ավելի իրավաբանական անձանց:

**9. ԸՆԿԵՐՈՒԹՅԱՆ ԴՈՒՍՏՐ ՈՒ ԿԱԽՅԱԼ ԸՆԿԵՐՈՒԹՅՈՒՆՆԵՐԸ,
ԱՌԱՆՁՆԱՅՎԱԾ ՍՏՈՐԱԲԱԺԱՆՈՒՄՆԵՐԸ, ՀԻՄՆԱՐԿՆԵՐԸ**

- 9.1 Հայաստանի Հանրապետության տարածքում և նրանից դուրս Ընկերությունը չունի մասնաճյուղեր և ներկայացուցչություններ:
- 9.2. Հայաստանի Հանրապետության տարածքում և նրանից դուրս Ընկերությունը չունի դուստր ու կախյալ ընկերություններ:
- 9.3 Հայաստանի Հանրապետության տարածքում և նրանից դուրս Ընկերությունը չունի հիմնարկներ:

10. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

10.1. Ընկերությունը, նրա մասնակիցների միաձայն որոշմամբ, կարող է կամուփին լուծարվել կամ վերակազմակերպվել:

Եթե ընկերության գույքը անբավարար է ընկերության պարտատերերի պահանջները բավարարելու համար, ապա այն կարող է լուծարվել միայն սնանկության հետևանքով:

Ընկերությունը կարող է դատական կարգով վերակազմակերպվել կամ լուծարվել միայն օրենքով սահմանված դեպքերում և կարգով:

Ընկերության վերակազմակերպման ու լուծարման կարգը և պայմանները սահմանվում են է Օրենսգրքով և այլ օրենքներով:

10.2 Ընկերությունն իրավունք ունի վերակազմավորվել բաժնետիրական ընկերության:

10.3. Ընկերությունը համարվում է լուծարված, իսկ նրա գործունեությունը՝ դադարած, այդ մասին իրավաբանական նձանց պետական գրանցամատյանում համապատասխան գրանցում կատարելու պահից:

Ընկերության մասնակիցի ցուցակ

Մասնակցի անունը հասցեն, ռեզիստորի համարը գրանցման համարը	Բաժնե- մասերի քանակը	Ավանդի չափը (ՀՀ դրամով)	Հարաբերակցու թյունը կանոնադրակա ն կապիտալում (տոկոս)	Գործադիր տնօրենի Ստորագրություն կնիք
Ինֆորմացիոն տեխնոլոգիաների ձեռնարկությունների միություն ԻԱՄ Գործունեության հասցեն Բ. Երևան Փ. Բյուզանդի 1/3 4 հարկ Պետերբուրգի վկայականի համարը 048252 Գրանցման համար 271.150.02048	1 (մեկ)	50000 (հիսուն)	100 (%)	